



**ВОДЗАЧ  
ЗА ГЛАСАНЄ  
ВИБЕРАЧОХ – ОСОБИ З  
ИНВАЛІДИТЕТОМ НА  
ВИБЕРАНКОХ  
21. ЮНІЯ 2020. РОКУ**

РЕПУБЛІЧНА ВИБЕРАНКОВА КОМІСИЯ

---

## **КРАТКО О ВИБЕРАНКОХ ХТОРИ ШЕ ОТРИМАЮ 21. ЮНИЯ 2020. РОКУ**

З виходом на виберанки и заокруживаньом шорного числа опрез назви виберанковой лістини на гласацким лістку, Ви будзеце участвовац у виборе 250 народних посланікох Народней скупштини Републики Сербії, хтори буду, у Вашо и у мено шицких гражданох Републики Сербії, приносиц закони и други акти, виберац Владу и других функционероx и окончовац контролю Влади и других державних орґанох.

Кандидатоx за народних посланікох предкладаю политични странки, коалиції политичких странкох и ґрупи гражданох.

Вибераче хтори жию на території Автономней покраїни Войводини буду виберац 120 посланікох Скупштини Автономней покраїни Войводини, хтори буду приносиц одлуки и други акти у вязи з ушорйованьом явних роботоx за витворйоване общих интересоx Покраїни.

Кандидатоx за посланікох предкладаю политични странки, коалиції политичних странкох, ґрупоx гражданох, коалицийоx политичних странкох и ґрупи гражданох.

Вибераче у векшини општинох/гордох буду виберац и одборнікох скупштинох општинох/городох, хтори буду приносиц предписаня вязани за ушорйоване явних роботоx за витворйоване общих интересоx локалней самоуправи.

Кандидатоx за одборнікох предкладаю политични странки, коалиції политичних странкох и ґрупи гражданох.

## **Чи можем гласац?**

На виберанкох за народних посланікох Народней скупштини можеце гласац:

- Кед сце државян/државянка Републики Сербії
- Кед сце наполнили 18 роки живота

- Кед маце роботну способносц
- Кед маце место биваня у Републики Сербії

## Чи сом уписани/уписана до виберацкогo списку?

Можеце перевіриц чи сце уписани до виберацкогo списку так же пойдзеце до своєї општинскей/городскей управи або перевірице на интернет-боку <https://upit.birackispisak.gov.rs>

Тот интернет-бок на хторим мож перевіриц чи сце уписани до виберацкогo списку технічно доступни за цемни и слабовиди особи, бо ест аудио-файл хтори оможлівює унесц гледани код.

Кед же сце не уписани до виберацкогo списку або у нїм неправильно уписани Ваше податки, треба же бисце поднесли вимогу за вименку податкох у виберацким списку општинскей/городскей управи у месце свойого биваня по заключене виберацкогo списку, односно по 5. юний 2020. року.

Кед же сце виберач-припаднік националней меншини, маце право поднесц вимогу Вашей општинскей/городскей управи же би ше Ваше мено и презвиско у виберацким списку уписало, попри сербскогo языка на кирилки, и на языку и писму Вашей националней меншини.

После заключованя виберацкогo списку, та по 17. юний 2020. року, вимогу за уписоване або пременку у виберацким списку можеце поднесц Министерству державней управи и локалней самоуправи, директно або преїг Вашей општинскей/городскей управи.

## Дзе можем гласац?

На виберанкох за народних посланікох Народней скупштини гласаце на виберацким месце дзе сце уписани до виводу зоз виберацкогo списку.

Можеце гласац на виберацким месце:

- дзе сце уписани до виводу зоз виберацкогo списку спрам Вашого места биваня (адреси з особней легитимациї)

- дзе сце уписани до виводу зоз виберацкога списку спрам Вашого места перебуваня (виберацке место гласаня).

Кед же жадаце на виберанкох за народних посланікох Народней скупштини гласац у месце дзе перебуваце на дзень виберанкох, мушице поднесц вимогу же би ше у виберацким списку уписало податок же будзеце на предстоящих виберанкох гласац спрам места перебуваня (виберацке место гласаня). Тоту вимогу подношице општинскей/городскей управи на чий території жадаце гласац, и то по 30. май 2020. року. Формулар вимоги можеце достац од службеніка у општинскей/городскей управи, або Вам службенік поможе написац вимогу.

На интернет-боку <https://upit.birackispisak.gov.rs> можеце перевіриц на хторим виберацким месце будзеце гласац.

## **Чи виберацке место на хторим гласам приступне?**

На интернет-боку Републичней виберанковой комісії можеце перевіриц чи Ваше виберацке место приступне.

<https://www.rik.parlament.gov.rs/tekst/3194/pristupacnost-birackih-mesta.php>

## **Чи можем присц на виберацке место кед ше рушам з помоцу пса водзача?**

Кед же сце цемна або слабовида особа, у случаю же ше рушаце з помоцу пса водзача, будзе Вам оможлівене приступиц гу виберацкому месту кед же меце доказ о здобутих знаньох, способносцох и схопносцох за рушанє зоз псом водзачом и доказ о законченей обуки за пса водзача.

## **Чи можем на виберацке место присц у провадзеню даякей особи (помагача)?**

Кед же сце не у можлівосци самостойне гласац на виберацким месце, маце право на виберацке место привесц помагача хторого сами вибереце. Обвисцице виберацки одбор же сце особа з инвалидитетом и же сце пре тоту причину привели зоз собу помагача.

Помагач Вам може помогнуц у тих роботох под час гласаня хтори не можеце самостойне окончиц (напр. при придаваню особних

документах, надаванню обвисценя о дню и чаше отримованя виберанкох, подписованю до виводу з виберацкого списку, пополньованю гласацкого лістка так як му Ви одредзице итд.).

## **Кеди можем гласац?**

Можеце гласац лем на дзень виберанкох, 21. юния 2020. року.

Виберачки места ше отвера на 7,00 годзин, а завера ше их на 20,00 годзин. Можеце гласац у гоч хторей хвильки у тим часовим периодзе.

Кед же ше найдзеце на виберацким месце кед же уж завера виберацке место або непоштредно пред тим, оможліви ше Вам гласац.

## **Хтори документ мам вжац зоз собу же бим гласал/гласала?**

Же бисце гласали, мушице доказац свой идентитет. Идентитет ше доказуе лем зоз важацу особну легитимацию або зоз пасошом.

Кед же термин тирваня Вашей особней легитимациі або пасоша вишол, зоз собу, попри особней легитимациі або пасоша хторим вишол термин, вежніце зоз собу и потвердзене же сце Министерству нукашніх ділох поднесли вимогу за видаване новей особней легитимациі або пасоша.

У случаю же маце иншаке презвиско у одношеню на тото хторе уписане у виводу зоз виберацкого списку, виберацки одбор Вам оможліви гласац кед на основи слики и ЄМЧГ у документу зоз хторим доказуеце идентитет мож потвердзиц же у питаню особа хтора уписана до виводу зоз виберацкого списку.

Кед же утвердзуе идентитет, добре же бисце придали и толковане о дню и чаше отримованя виберанкох хторе би Вам требало буц доручене найпознейше пейц дні пред виберанками.

## Цо ше случує кед пойдзем гласац?

Кед на дзень виберанкох придзеце на свойо виберацке место, члени виберацкого одбору:

- Преве́ря Вам прави указуюци палец зоз УВ лампу, же би утвердзели чи сце уж гласали.

У случаю же не маце указуюци палец на правой руки, зоз УВ лампу Вам будзе переві́рени шлі́дуюци доступни палец на право, односно палец на правой руки. Кед не маце праву руку, зоз УВ лампу Вам будзе переві́рени указуюци палец на лі́вей руки, односно шлі́дуюци доступни палец на лі́во и ко́нечно палец те́й руки. Кед же то не можли́ве, переві́рованє зоз УВ лампу ше не окончи.

- Утвердза Ваш идентитет зоз переві́рованьом податкох з Вашей особней легі́тимації або пасоша.
- Пренайду Вас у виводу зоз виберацкого списку и заокружа шорне число опре́з Вашого мена.
- Буду Вам гледац же бисце ше подписа́ли до виводу зоз виберацкого списку.

Кед же ше не може́це подписа́ц, маце право при подписа́ваню похаснова́ц печа́ц з у́гравированим подписа́ном (факсимил) або печа́ц хтори ма податки о Вашим особним идентитету. Ви́берацки одбор Вам оможлі́ви вде́риц печа́ц до виводу зоз виберацкого списку, же бисце могли превжа́ц гласа́цки лі́сток.

У случаю же не маце факсимил/печа́ц, место Вас, до виводу зоз виберацкого списку ше подписа́ує Ваш помагач хторого сце приве́дли на вибера́цке место зоз свої́м меном и презвиском.

- Придаю Вам, або Вашому помагачови, гласа́цки лі́сток.
- Означа вам указуюци палец зоз спре́йом.

Кед же не маце указуюци палец на правой руки, будзе Вам означени шлі́дуюци доступни палец на право, односно палец на правой руки. Кед не маце праву руку, будзе Вам означени указуюци палец на лі́вей руки, односно

шлідуючи доступни палец на ліво и конечно палец тей руки. Кед же то не можліве, означоване ше не окончи.

- Обвисца Вас о способе гласаня и упут'я Вас гу месту хторе предвидзене за гласане.

## **На яки способ ше гласа?**

Кед приступице гу месту хторе предвидзене за гласане, треба же бисце ше упознали зоз змістом гласацкого лістку хтори Вам уручени. Гласацки лісток ше состої зоз списку шицких виберанкових лістинох хтори участвую на виберанкох. Гласаце так же заокружуєце шорне число опрез назви виберанковой лістини за хтору жадаце гласац.

Гласаце сами и у тайносци (за параваном хтори обезпечує тайнось гласаня) и сами, або з помоцу помагача хтори место Вас пополні гласацки лісток так як му Ви одредзице.

Кед заокружице шорне число, гласацки лісток зогніце и уруцце го до гласацкей шкатули.

Кед же сце не у можлівосци самостойне гласац на виберацким месце, помагач хторого сце привели на виберацке место будзе место Вас пополньовац гласацки лісток так як му Ви одредзице и уруци го до гласацкей шкатули.

## **Хто и як може гласац звонка виберацкого места?**

Кед сце не у можлівосци гласац на виберацким месце (пре здравствени причини або сце немоцна стара особа), треба же бисце од пиятку, 19. юния 2020. року, по 11 годзин на дзень виберанкох, обвисцели виберацки одбор же жадаце гласац звонка виберацкого места.

На дзень гласаня можеце обвисциц непоштречно виберацки одбор або роботне цело у управи Вашей општини/городу, хторе о том обвисци виберацки одбор.

Пред дньом гласаня можеце обвисциц роботне цело у управи Вашей општини/городу, хторе о тим обвисци виберацки одбор.

Републична виберанкова комисија благочасно на своїм урядовим интернет-боку обяви контакт-телефони роботних целох.



## Яки способ гласаня звонка виберацкого места?

Гласанє звонка виберацкого места подрозумює же до Вас приду троме члени виберацкого одбору хтори:

- перевіря прави указуюци палец зоз УВ лампу, же би утвердзели чи сце уж гласали

У случаю же не маце указуюци палец на правой руки, зоз УВ лампу Вам будзе перевірені шлідуюци доступни палец на право, односно палец на правой руки. Кед не маце праву гарсц, зоз УВ лампу Вам будзе перевірені указуюци палец на лівей руки, односно шлідуюци доступни палец на ліво и конечно палец тей руки. Кед же то не можліве, перевірюванє зоз УВ лампу ше не окончи.

- утвердза Ваш идентитет, зоз перевірюваньом податкох з Вашей особней легитимациї або пасоша
- придаю Вам або Вашому помагачови гласацки лісток
- придаю Вам або Вашому помагачови: собирну виберанкову лістину, потвердзене о виберацким праву за гласанє звонка виберацкого места и окремну коверту до хторей Ви або Ваш помагач, накадзи одгласаце, положи пополнети гласацки лісток
- означи палец зоз спрејом и упозна Вас зоз способом гласаня

У случаю же не маце указуюци палец на правой руки, будзе Вам означени шлідуюци доступни палец на право, односно палец на правой руки. Кед не маце праву руку/гарсц, будзе Вам означени указуюци палец на лівей руки, односно шлідуюци доступни палец на ліво и конечно палец тей руки. Кед же то не можліве, означованє ше не окончи.

После того як члени виберацкого одбору напуца просторию у хторей жадаце гласац, Ви будзеце:

- гласац, сами або зоз помоцу помагача, так же заокружице шорне число опрез виберановой лістини за хтору жадаце гласац



- зогнеце гласацки гласацки лісток, або Ваш помагач, и уруцице го до коверти, хтору завреце Ви, або Ваш помагач
- подпишеце потвердзене о виберацким праву хторе сце достали

Кед же ше не можеце подписац, маце право при подписованю хасновац печац з угравированим подписом (факсимил) або печац хтори ма податки о Вашим особним идентитету. Поверителе виберацкого одбору Вам оможлївя вдериц печац до потвердзена о виберацким праву.

Кед же ше не можеце подписац и не маце факсимил/печац, место Вас потвердзене о виберацким праву подписує Ваш помагач зоз своїм меном и презвиском.

Кед одгласаце, члени виберацкого одбору ше враца до просторїи у хторей сце гласали и:

- запечацую коверту у хторей ше находзи гласацки лісток
- превежню подписане потврердзене о виберацким праву за гласане звонка виберацкого места.

## ЗДОГАДНІК ЗА ГЛАСАНЄ

- 1 перевірте чи сцє уписани до вибєрацкогo списку
- 2 поднєшцє вимогу општинскєй/городскєй управи за прємєнку/виправку особних податкох, кєд за то єст потрєби
- 3 поднєшцє вимогу општинскєй/городскєй управи за уписованє мєна и прєзвискє на писму и спрам правопису Вашєй националнєй мєншини, кєд жадацє
- 4 перевірте на хторим вибєрацким мєсцє гласацє, односно дзє сцє уписани до виводу зоз вибєрацкогo списку
- 5 поднєшцє вимогу општинскєй/городскєй управи жє би шє до вибєрацкогo списку уписало податок жє на прєдстоящих вибєранкох будзєцє гласац спрам мєста прєбуваня (вибранє мєсто гласаня), кєд за тим єст потрєби
- 6 виплануйцє Ваш приход на вибєрацкє мєсто на дзєнь вибєранкох
- 7 перевірте чи мацє важацу особну лєгитимацию або пасош
- 8 розпитайцє шє при члєнох вибєрацкогo одбору о способє гласаня, кєд дацо нє розумицє
- 9 приведзцє помагача на вибєрацкє мєсто кєд сцє нє у можлївосци самостойнє гласац
- 10 приявцє шє благочасно жє будзєцє гласац дома, кєд жє сцє нє у можлївосци присц на вибєрацкє мєсто